

南海并王之自爲功也於是佗乃自尊號爲南武帝發

兵攻長沙邊敗數縣焉高后遣將軍隆慮侯竈擊之師古

日周竈也會暑溼士卒大疫兵不能踰領師古日踰與踰同下皆類

此歲餘高后崩卽罷兵佗因此以兵威財物賂遺閩粵

西甌駱役屬焉師古日西甌卽駱越也言西者以別東甌也○宋祁日甌集韻於口反駱越種

也東西萬餘里廼乘黃屋左纛稱制與中國侔師古日侔等也

文帝元年初鎮撫天下使告諸侯四夷從代來卽位意

諭盛德焉師古日言不以威武加於遠方也廼爲佗親冢在真定置守

邑師古日親謂父母也歲時奉祀召其從昆弟尊官厚賜寵之詔

丞相平舉可使粵者平言陸賈先帝時使粵上召賈爲